

## **Ebbaluṅa endaayi eya Peetero Enyanjula**

Owaṅandiiha ebbaluṅa ya *Peetero endaayi* gaali nje Peetero omuhwenda wa Yesu. Peetero gatandiha ebbaluṅa yino n’aloma ehi gaali n’eyi gaali n’ṅandiihira. Ebbaluṅa yino, gayiṅandiihira abafugiirira Kurisito bosibosi aba galanga ati “balugendwa” mu hyalo muno (1:1,17; 2:11). Engeri ebbaluṅa yino, yifaananaho n’ebbaluṅa eyi Pawulo gaṅandiihira Abefeeso, bangi baṅeega baati Peetero gayiṅandiiha mu mwaha ogw’enkaaga n’etaanu oluvanyuma lw’ohusaaliwa hwa Kurisito. Peetero gaṅandiiha ebbaluṅa yino n’ali e Rooma, eyi galanga mu ndoma ey’ohubbumbirya ati Bbabbulooni (5:13).

Peetero gaṅandiiha ebbaluṅa yino ohubagobosamo amaani n’abaloma ati “...mu hubonaabona Hatonda abanjeramo ekabi, olw’ehyo mutanjwamo maani” (5:12). Naliṅo ohufaanana ṅagati wa 1 Peetero 2:11-3:7 n’Abefeeso 5:18-6:9 n’Abakolosaayi 3:18-4:6. Enyiriri ejo josijosi, jisomesa hu mago n’ohugondera abanjugi. Era Peetero ahubbirisa abafugiirira Kurisito ohugumira ohubonaabona olwohuba ekomerero yiri huupi (4:1).

### **Ebiri mu bbaluṅa yino mu buupi**

1. Peetero geyanjula (1:1-2)

2. Ohweyaasa Hatonda olw'obunonjosi (1:3-2:10)
3. Engeri ey'ohumenyamo (2:11-4:11)
4. Ohugumira ohubonaabona (4:12-5:11)
5. Engohoba (5:12-14)

### *Obuheese*

<sup>1</sup> Ese Peetero omuhwenda wa Yesu Kurisito mbanandiihira enywe abaatu ba Hatonda, aba gatobola, abalugendwa mu hyalo hino era abasasaana mu byalo by'e Pooto, e Galatiya, e Kapadokiya, Asiya n'e Bbisiniya.

<sup>2</sup> Ohujwa ahale n'ahale Hatonda Seefe mu humanya huhwe gabatobola ohuba babe, n'abita mu Mwoyo Omutukuvu olu mwagondera Yesu Kurisito gabagwalaasa olw'amafugi gage. Hatonda geyongere ohubaŋa ehisasabirisi n'emiyaaaya.

### *Esuubi ly'obulamu obutanŋaŋo*

<sup>3</sup> Abaatu beyaase Hatonda era Semwana ya Musengwa weefe Yesu Kurisito. Olw'ehyere hihye ehangi, gaatunonjola n'abita mu hulumu hwa Yesu Kurisito. Hino hituleetera ohusuubira obulamu obutanŋaŋo.

<sup>4</sup> Era mulisuna omugabo ogwo ogutacuuhacu-uha era ogutanŋaŋo emirembe n'emirembe ogu Hatonda gaababihira mwigulu.

<sup>5</sup> Olw'ohufugiirira hwenywe, Hatonda abahu-uma n'obunangi wuwe ohwola olu alinunula ebiitu byosibyosi hu ludaalo olw'ekomero.

<sup>6</sup> Olw'ehyo musanalyenga bugali weene wayire muli hugada olw'ebigosi ebingi ebi muli ni nabyo eby'ehiseera obuseera.

<sup>7</sup> Ebigosi ebyo biboolaho ohulaga ti ohufugiirira hwenywe hw'amazima. Ng'olu basanusa ezaabbu olw'ohwenda ohutusamo obucaafu, mwesi ohufugiirira hwenywe ohuhiraho ezaabbu omujendo huli n'ohugezesewa ko hunangale. Ebyo ni biyooye ko musune enono era babapaaha hu ludaalo olw'ekomeroero olu Yesu aligoboleraho.

<sup>8</sup> Wayire simumubonangaho, mumwenda era wayire simumubonaho esaawa yino muli n'esangaalo bitiriifu bugali eritalomeha olwohuba mumufugiirira.

<sup>9</sup> Ehyo hibaletera ohunonjoha era nj'ehigendererwa hy'ohufugiirira hwenywe.

<sup>10</sup> Abanaabbi babalomera ebinjamba hu hisasabirisihya Hatonda ehi gaali n'aja hubanjambira ohubanonjola era bendulirisa bugali n'obwegenderesa.

<sup>11</sup> Ni bagesyaho ohutegeera embeera n'ebiseera ebi Omwoyo wa Kurisito gaali n'abalengesa olu galoma hu hubonaabona hwa Kurisito n'enono eribalimuja.

<sup>12</sup> Hatonda galeetera abanaabbi abo ohutegeera baati ebi baali ni balomaho sibyali ni bija hubano mu mulembe gwawe aye mu gwenywe. Naahani abo abababuulira Amanuliro Amalaji, babuulira mu maani g'Omwoyo Omutukuvu. N'abamalayika boosi begomba ohumanya ebinjamba hu bunonjosi buno.

*Hatonda genda hube bagwalaafu*

13 Olw'ehyo mwetegehe, mumanye ehiraŋi ehyohuhola era muŋuge emitwe jenywe, n'esuubi lyenywe lyosiryosi libe hu hisasabirisi ehi Yesu Kurisito alibaŋambira n'agobooye.

14 Ng'abaana abagondi, mutagenderanga mu hwegomba ohubi ohu mwalinga ni nahwo ni muhiiri humanya hituufu.

15 Aye ng'olu Hatonda ow'abalanga aŋuma hibi, mwesi mubenga bagwalaafu mu hiisi hiitu ehi muhola.

16 Olwohuba hyaŋandiihiwa hiiti, "Mube bagwalaafu ng'olu ese ndi mwawufu."\*

17 Ng'olu muli ni Hatonda oyu mulanga muuti Bbaabba, oyo asalira hiisi muutu omusango n'atehubbira, ŋaahani mumenye hu hyalo huno hy'abalugendwa ni mumutya era ni mumanyire muuti sinje ewenywe.

18 Olwohuba mumanyire bulani weene muuti endiŋi eyi basasula siyabiitu ebiŋwano hy'efeeza oba ezaabbu aye gabanunula mu bulombolombo wabasehulu benywe.

19 Gabanunula olw'amafugi ga Kurisito ali mu hifo hy'etaama eyibulaho mbalo oba buleme wosiwosi. Era amafugi ago gabbeeyi.

20 Hatonda ko atonde ehyalo gaatobola Kurisito ohuba eŋongo hu lwenywe aye ohumuhwehula hibaayeno mu ndaalo jino ej'ekomero.

21 Ohubita mu Kurisito, mwafugiirira Hatonda owamulamusa ng'ahena amuŋa obubbala era ohufugiirira n'esuubi lyenywe biri mu Hatonda oyo.

---

\* **1:16 1:16** Leev 11:44-45; 19:2

<sup>22</sup> Ng'olu mwanjulira ehibono hya Hatonda ehy'amazima mwagonda mwafugiiirira, Hatonda gabagwalaasa era mwasuna ohwenda ohw'amazima. Olw'ehyo mwendanenga n'omwoyo mulala.

<sup>23</sup> Olwohuba ni mwanonjoha mwafuuha baana ba Hatonda atafa era mwasuna obulamu obutanjanjo ohubita mu hibono hihye.

<sup>24</sup> Hyanandiihiwa hiiti,  
 "Abaatu bali hy'enaasi,  
 era n'obunoono waawe  
 buli hy'ehimuli ehinjotoha ehiseera buseera.  
 Enyaasi linjotoha,  
 era n'ehimuli hyosi hinjotoha nga higwa njaasi.\*

<sup>25</sup> Aye ehibono hya Musengwa hiribanjo emirembe n'emirembe."  
 Era ehyo nj'ehibono ehi bababuulira mwafugiiirira.

## 2

### *Yesu nj'ebaale ery'ebbeeyi*

<sup>1</sup> Olw'ehyo mwefihuleho ebibi byosibyosi, ohuhotogerera abaatu, obudulingi, obunafuusi, ekirihindi n'ohuloma ebibi hu bahyenywe.

<sup>2</sup> Ng'olu baana abanjere benda amabeere amatomwa ko bahule bulaji, mwesi munjembenga hu hibono hya Hatonda mwahanjangala mu bunonjosi wenywe.

<sup>3</sup> Hyanandiihiwa hiiti, "Mwalega hu Musengwa weefe era mumanyire ng'olu ali mulaji."\*

---

\* **1:24 1:24** Yis 40:6-8 \* **2:3 2:3** Zab 34:8

4 Mutiine eyiri Yesu Musengwa, ebaale ery'ebbeeyi eri baatu batala baati siryamugaso aye Hatonda galitobola lyaba ly'ebbeeyi eyi ali.

5 Mwesi muli mabaale ag'ebbeeyi aga Hatonda alihutambisa ohutongola enyumba\* yiye. Mwesi muli basengi ba Hatonda abamuḡa enongo eyimusangaasa ohubita mu Yesu Kurisito.

6 Hyaḡandiihiwa hiiti,  
 “Bona taaye ebaale mu Sayuuni,  
 erinatobola era ery'ebbeeyi,  
 era hiisi amwesiga saanahaswale.”\*

7 Ebaale lino lyamugaso bugali eyiri enywe abamufugiirira  
 aye eyiri abo abatafugiirira,  
 “ebaale eri abatongoli batala baati siranḡ,  
 nj'eryafuuha ery'omugaso mu gosigosi.”\*

8 Era nindi hyaḡandiihiwa hiiti,  
 “Lino nj'ebaale egumu erireetera abaatu ohwegumula,  
 olwanda olu baleetera ohwetega baagwa.”  
 Begumula olwohuba sibafugiirira ehibono, nga ehi Hatonda gategeha hyolerera.\*

### *Abaatu abagwalaafu*

9 Aye enywe babatobola, muli basengi ba Hatonda, egwanga eryawufu, abaatu babe abagatobola ohulomera abaatu obuhwenda w'oyo owabalanga ohuḡwa mu hiirema† ohwingira mu njase yiye ey'amaani.\*

---

\* 2:5 2:5 Ebyaḡandiihiwa ebindi biroma biiti “Yekaalu ey'omwoyo.” \* 2:6 2:6 Yis 28:16 \* 2:7 2:7 Zab 118:22 \* 2:8 2:8 Yis 8:14-15 † 2:9 2:9 Oba ebibi. \* 2:9 2:9 Huḡ 19:5-6; Yis 43:20-21; Mag 4:20; 7:6; 14:2

10 Simwali baatu ba Hatonda aye ŋaahani muli baatu babe era egongo eyo mwali muŋuma hisa hihye aye ŋaahani mwahisuna.\*

### *Abeedu ba Hatonda*

11 Bameeri bange, ng'olu mumanyire muuti muli balugendwa era abawuli mu hyalo muno, mbasunga mwenjalame ohuhola ebikolwa eby'omubiri ebibanjirirania.

12 Esambo jenywe jibenga ndaŋi ŋagati mu batafugiirira Hatonda abamumenyiremo. Wayire banababenjerenga, ne ni banabonenga ebikolwa byenywe ebiraŋi, baja huŋa Hatonda eŋono‡ hu ludaalo olw'ekomero.

13 Ng'olu muli baloobera ba Yesu Musengwa, mugonderenga abanugi benywe: muŋulirenga habaha wenywe,

14 oba abanugi abandi abagataŋo ohugudya abo abahola ebibi era n'ohusiima abo abahola ebiraŋi.

15 Hatonda genda ebikolwa byenywe ebiraŋi bisimye ebibono by'abanubeebe abo ababanjaha esiro.

16 Wayire muli badembe aye muli beedu ba Hatonda era simutambisanga dembe lyenywe ohuhola ebibi.

17 Muŋenga hiisi muutu eŋono, mwendanenga hy'abalebe, mutyenga Hatonda era muŋenga habaha eŋono.

### *Kurisito nj'ehyohuboneraho hyefe*

---

\* **2:10 2:10** Kos 2:23 ‡ **2:12 2:12** Oba hu ludaalo olu Hatonda anahatuhyalire.

18 Abeedu, muṅulirenga abasengwa benywe, si abo abababisiya obulaṅi boṅene aye ni naabo abababisiya obubi.

19 Hiri hiityo olwohuba Hatonda alibaṅa ekabi olw'ohwehaliriha ebiguudyo ebi baatu babahola aṅaṅuma songa.

20 Omuutu asunamo hi singa bamuhubba olw'ebibi ebi ahola? Aye singa bamugudya olw'ebiraṅi ebi ahola, ehyo hisangaasa Hatonda.

21 Hatonda gabalanga ohuhola ebiraṅi wayire hibaṅweweyemo ohugada. Ni Kurisito yeesi gagada hu lwenywe. Muholenga ebi gaholanga olwohuba Ye nj'ehyohuboneraho hyenywe.

22 Eṅuma hibi ehi Kurisito gaahola wayire ohuloma ehy'obundulingi.\*

23 Era ni bamufodogola, niye sigabagobolamo era ni bamugudya sigesasusa muutu yesiyesi aye niye obulamu wuwe gabuṅambya Hatonda asala emisango n'atehubbira.\*

24 Kurisito omwene geetwiha ebibi byefe gabiṅira hu musalabba, ko hube hy'abaatu abafuuye eyiri ehibi aye abagwalaafu mu moni jije. Ebihubbe ebi bamwosaho mbebibaṅonia.

25 Mwali muṅabire hy'etaama aye babagobosa eyiri Omwayi era Omuhumi w'obulamu wenywe.\*

### 3

#### *Abahasi n'abasinde abafumbo*

---

\* 2:22 2:22 Yis 53:9    \* 2:23 2:23 Yis 53:7    \* 2:25 2:25 Yis 53:6



<sup>1</sup> Abahasi mujulirenga abawamwenywe, ko abandi hu bo abatafugiirira Hatonda basobole ohufugiirira olw'esambo jenywe.

<sup>2</sup> Hino hinahabejo olw'ohubona enono eri mubaŋa n'esambo jenywe endaji.

<sup>3</sup> Era obuŋoono wenywe butabanga wahu mugulu, hy'emisono jefiiri oba ohwambala emihomyo ej'ezaabbu oba engoye ej'ebbeeyi.

<sup>4</sup> Aye bubenga wamugati mula n'emyoyo emibombeefu era abaatu abatanyiganyiga, ehyo nj'ehihira obulaŋi mu moni ja Hatonda.

<sup>5</sup> Era n'abahasi abahale abaali abagwalaafu po beebisyanga baatyo ni bagondera abawamwawe.

<sup>6</sup> Saala muha Yibbulayimu owaali mulala hu bahasi abo gebisyanga atyo, n'agonderanga wamwe era n'amulanga musengwawe. Muna-hola ebiraji hya niye era ni mujuma hutya, muba bahaana babe.

<sup>7</sup> Mu ngeri nj'enyene, abasinde mufaanie muuti abahasi benywe bibya binafu ohubahiraho. Mubaŋenga enono ni mumayire muuti boosi balisuna ehirabo ehy'obulamu obutaŋwano olw'ehisa hya Hatonda. Munaholanga muutyo, olwo sinanabengaŋo ehigitigania ohusaba hwenywe.

### *Ohugada olw'ohuhola ebiraji*

<sup>8</sup> Ehisembayo, mwisenga hirala, mwenda-nenga hy'abalebe era hiisi muutu aŋambirenga owahye ehisa, ni genomehire.

<sup>9</sup> Omuutu nahuholanga ehibi, omany a otegalu-langa olw'ehibi ehi ahuholire aye omusabirenga

ekabi olwohuba ehyo nj'ehi Hatonda abendaho ko mwahasuna ekabi.

<sup>10</sup> Hyanandiihiwa hiiti;

“Owenda ohuba n'obulamu obulani n'ohuwangaala,

ali n'ohuhuuma olulimi lulwe  
ohutalimirira bahye n'ohuloma  
eby'obudulingi.

<sup>11</sup> Era alehere aho ohuhola ebibi ahole ebirani,

abe omuutu aleeta emiyaaya era geyongere mu jo.

<sup>12</sup> Olwohuba Musengwa afaayo hu abo abahola ebirunamu, era anulira ohusaba hwawe.

Aye sigenda abo abahola ebibi.”

<sup>13</sup> Nj'ani oyo aja hubalomaho olw'ohufuba ohuhola ebirani? Nanuma.

<sup>14</sup> Aye wayire babagudya, muli n'ekabi olwohuba muhola ebirani. Olw'ehyo simutyanga ebi batya era mutenendehereranga.\*

<sup>15</sup> Aye Kurisito anire ehifo ehidaayi mu bulamu wenywe nga Musengwa. Mubenga butebute hiisi hiseera ohugobolamo omuutu yesiyesi ababuusa ebinamba hu ehyo ehi musuubira ohusuna. Aye hino muhiole n'ohwenenekeresa n'ohubanja enono

<sup>16</sup> ni numa hibi ehi muhweha mu myoyo jenywe ko abo ababanaha esiro baswaale ni babona esambo jenywe endani ng'abaloobera ba Kurisito.

---

\* **3:14 3:14** Mat 5:10; Yis 8:12-13

17 Hiraŋi ohugada olw’ohuhola ebiraŋi ni huba husiima hwa Hatonda, ohuhira olw’ohuhola ebibi.

18 Hiri hiityo olwohuba Kurisito ataholan-gaho hibi hyosihyosi era omwawufu gaafiririra abatali bagwalaafu omulundi mulala gwoŋene, ohubaleeta eyiri Hatonda. Baamwita aye Hatonda gamulamusa hu lw’amaani g’Omwoyo\* wuwe.

19 Yesu Kurisito gatiina e magombe mu komera gabuulira,†

20 abo abagaana ohudembuhira Hatonda olu gabehaliiraha Nuwa n’abaaja eryato. Abaatu munaana boŋene nj’abaŋona amataba.

21 Era amataba ago gaaliŋo ng’ahabonero ah’ohubatiziwa ohubanonaŋola mwesi sosi hubogaho obudida hu mibiri jenywe aye ehisuubizo ehy’ohuba n’obulamu obulaŋi mu moni ja Hatonda. Ohubatiziwa ohwo huhola olw’ohulamuha hwa Yesu Kurisito.

22 Yesu gatiina mwigulu era gehaaye hu lubega lw’omuhono omulungi ogwa Hatonda era aŋuga abamalayika n’ebiitu byosibyosi.

## 4

### *Obulamu obunyaaha*

1 Ng’olu Kurisito gabonaabona hu musal-abba, mwesi mube n’epeega eyi gaali ni nayo ey’ohucaawa ehibi olwohuba singa omuutu

---

\* **3:18 3:18** Ebyaŋandihiwa ebindi biroma biiti gafa mu mubiri aye bamulamusa mu mwoyo. † **3:19 3:19** Ebyaŋandihiwa ebindi biroma biiti galomera emisambwa.

yesiyesi bamugudya olwa Yesu, aba saahyenda huhola ebibi.

<sup>2</sup> Olw'ehyo mutabanga mu hwegomba hw'omubiri aye muhole ebi Hatonda genda.

<sup>3</sup> Nga mwahena ebiseera ebyene ebingi ni muhola ebiitu ebi baatu abatamanyire Hatonda bahola! Mu bibi ebyo pomuli obuhwedi, obumeesi, ebinyumyo n'ohusenga emisambwa. Mwesi ebyo mbebi mubaayemo ebbanga eryo lyosiryosi.

<sup>4</sup> Era n̄aahani abatatya Hatonda, hibeenunjisa ni babona ni mutahola ebibi ebi bahola era c'ehigira babalomaho ebibi.

<sup>5</sup> Aye baliŋosya mu moni j'oyo owetegehire ohusalira abalamu n'abafu emisango.

<sup>6</sup> Era nj'ehigira ni baalomera ni abo abaafa\* Amanuliro Amalanji bafugiirire wayire abaatu banangire ohuba ni baabasalira omusango ni baali ni bahiiri hu hyalo huno aye n̄aahani basobola ohumenya ni Hatonda.

<sup>7</sup> Bahyange, ekomerero yiri huupi hwola, olw'ehyo mube butebute era abegenderesa ko muŋange ohusaba ng'olu hisaana.

<sup>8</sup> Aye ehihulu mu byosibyosi, mwendanenga n'omwoyo mulala olwohuba ohwenda huja hubaleetera ohusoniŋanga abaatu ebibi ebi babahola.\*

<sup>9</sup> Era musangaalirenga abafugiirira bahyenywe mu mago genywe ni muŋuma hwenjulununya.

---

\* **4:6 4:6** Abandi banjeega baati abafu abo nj'aba Yesu gabuulira olu gatiina e magombe n'afuuye. \* **4:8 4:8** Nge 10:12

<sup>10</sup> Hiisi muutu atambisenga ehirabo ehi ali ni nahyo ohuyeeda abandi mu hufugiirira hwawe era mube besigwa mu hutambisa ehirabo bya Hatonda mu ngeri yosiyosi.

<sup>11</sup> Oyo ali n'ehirabo ehy'ohubuulira, alomere abaatu ehibono hya Hatonda n'amaani gosigosi. Ni nooyo ali n'ehirabo ehy'ohuyeeda aye edenga olw'amaani ga Hatonda, ko abaatu banje Hatonda oyo ali n'amaani n'obunangi enono ohubita mu Yesu Kurisito emirembe n'emirembe. Amiina.

### *Ohubonaabona olw'ohufugiirira Yesu*

<sup>12</sup> Bahyange abahoda, hitabenunjisa oti hani hinyaaha eyi muli ohubita mu hubonaabona ohubitiirifu.

<sup>13</sup> Aye musanjalyenga olwohuba mugada hya Kurisito olu bamugudya ko mwesi munange ohusangaala exhibitiriye olu alihwehula enono lirye.

<sup>14</sup> Muli n'ekabi banabahola ebisirisinye olwohuba baloobera ba Kurisito, ehyo hiraga hiiti Omwoyo ow'amaani owa Hatonda ali njalala ni nenywe.

<sup>15</sup> Era hanye hubonaabona, mutabonaabonanga olwohuba abatemu oba abeebi oba olw'ehibi hyosihyosi oba abeyingisa mu songa ejitabanambaho.

<sup>16</sup> Hitabanambyanga soni ohubonaabona olwohuba mufugiirira Kurisito aye mujumiryenga hujumirya Hatonda.

<sup>17</sup> Nj'ehiseera ohusalira abaatu emisango ni batandiihira mu nyumba ya Hatonda, ne ba-

natandihira hu fe, hinahabe hiitye eyiri abo abatafugiirira Amanjuro Amalanji aga Hatonda?

<sup>18</sup> “Era obanga higosi  
omugwalaafu ohununuha,  
ne baliba batye abo abatatya Hatonda  
n’abahosi b’ebibi?”

<sup>19</sup> Olw’ehyo abo ababonaabona hu lw’ohugera hwa Hatonda waawe omwesigwa, baali n’ohwenjerayo erala ohumwesiga era beegumye ohuhola ebiranj.

## 5

### *Abatangirisi n’abavubuka*

<sup>1</sup> Eyiri abatangirisi babafugiirira Yesu, ese ng’omutangirisi wahyenywe, oneboneyeho Kurisito n’emoni jange n’abonaabona era ng’omulala hu balisuna omugabo mu bunugi wuwe hu ludaalo olw’ekomero,\*

<sup>2</sup> mbahubbirisa mube baayi abalabirira bulanj abaatu aba Hatonda gabanjambya. Hino mutahiholanga olwohuba muli n’ohuhihola aye mube baheneerefu mu bunjeeresa wenywe ng’olu Hatonda genda mube, ni mutaluluhanira bbeesa aye ni mwenda ohunjeeresa.

<sup>3</sup> Ni mutali mugugu eyiri abaatu ba Hatonda aye ni muli hy’ohuboneraho mu sambo jenywe eyi bali.

<sup>4</sup> Omwayi Omuhulu n’aligobola, musune engule ey’ejono ey’emirembe n’emirembe.

---

\* 5:1 5:1 Yow 21:15-17

5 Enywe abavubuka, mu ngeri nj'enyene munjulirenga ababahiraho obuhulu. Mwesimwesi mwenomehenga eyiri abahyenywe, olwohuba

“Hatonda sigenda abehudumbasa,  
aye anambira abo abenomeha  
ehisasabirisi.”\*

6 Olw'ehyo, mwenomehenga mu moni ja Hatonda ali n'obunangi, aja hubadunda abate analanj ehisera ni hyolire.\*

7 Munambyenga Hatonda ebigosi byenywe byosibyosi, olwohuba afaayo.

8 Mubenga butebute olwohuba Sitaani, omusigu wenywe anjirita hy'empologoma etiina n'ano ni nanala ni yendula ehyohulya.

9 Mumunirinjanienga ni mwemereeye mu hufugiirira n'amagulu gombi, olwohuba muhimanyire muuti n'abalebe benywe mu Kurisito abali mu byalo ebindi boosi babita mu hubonaabona.

10 Hatonda mu hisa hihye gabalanga ohusuna hu nono lirye ery'emirembe n'emirembe ni mubita mu Yesu Kurisito. Oluvanyuma lw'ohugada ahaseera, Yesu aja hubagobosa bunyaaha ahene abanje amaani era abagumye mu hufugiirira hwenywe ni mubula husagasagana.

11 Hatonda oyo anuge emirembe n'emirembe. Amiina.

### *Ohuseebula*

---

\* 5:5 5:5 Nge 3:34 \* 5:6 5:6 Mat 23:12; Luk 14:11; 18:14

<sup>12</sup> Mbanandiihiye ebbaluṅa yino enyipinyipi ni neyeesa Siluvaano mulebe yange omwesigwa. Pandiihire ohubagobosamo amaani ti mu hubonaabona Hatonda abanjeramo ekabi, olw'ehyo mutanjwamo maani.

<sup>13</sup> Abafugiirira bahyenywe ab'eno e Bbabulooni,\* aba Hatonda gatobola hyenywe, ni Mariko musaani yange, babaheehise.

<sup>14</sup> Muheesanie mu keesa ey'abaatu abagwalaafu eraga ohwendana. Emiyaaya jibe ni nenywe mwesimwesi abafugiirira Kurisito.

---

\* **5:13 5:13** Huno hwali hububbirya ni bategeesa e Rooma.



**Endagaano Epyaha ko n'ebitabo ebindi  
eby'Endagaano Ekayire mu Lunyole  
Nyole: Endagaano Epyaha mu Lunyole (Bible)**

copyright © 2019 Wycliffe Bible Translators, Inc.

Language: (Nyole)

Contributor: Wycliffe Bible Translators, Inc.

This is the New Testament in Lunyole of Uganda, with 10 books from the Old Testament.

All rights reserved.

2025-05-17

---

PDF generated using Haiola and XeLaTeX on 17 May 2025 from source files dated 17 May 2025

e00787cd-838f-597a-9477-00b97e4e2cff